



BIBLIOTHECA
MUSEI
HISTORICO-NATURALIS
MUSEI
HISTORICO-NATURALIS

QUÆSTIO MEDICA,
CARDINALITIIS DISPUTATIONIBUS
MANE DISCUTIENDA
IN SCHOLIS MEDICORUM,

Die Jovis 29 Februarii 1720.

M. PETRO AZEVEDO,
DOCTORE MEDICO, PRÆSIDE.

An Consuetudo infuetis tutiora ?

I.

HOMO animâ & corpore constans animal, cunctis
animantibus longè præstantius ; an in vitâ felicius ?
dubium. Eâ animæ facultate , quâ cæteris antecel-
lit, fit sæpe miserior. Errat enim ratio non rarè , turbidos
ciet motus, sæpe vitiositatem importat, κακίαν, inimicam

vita tranquillæ. Ut enim in lucem editus est, quas nunquam expertus fuerat, rebus indiget ad vivendum. Aëre, quem continuò haurit, nunquam vivens carere potest: cibo & potu alendo corpori necessariis, aliquandiu. Multa huic excernenda, quæ retenta nocent; multa retinenda, nocitura, si præter naturam excernantur. Motûs, quietis, somni & vigiliæ vicissitudinibus vita subjecta. Hæc corporis sunt; animæ verò variæ perturbationes; quibus corpus auscultari, servitutis authoramentum, motibus corporis mentem subjici, ditioris servitus est. Illarum rerum usus indifferens est, modò insalubris, modò salubris: tutior tamen, quem longa consuetudo confirmavit.

I I.

QUI bene valet, & suæ spontis est, nullis se legibus obligare debet. Prosperè enim vivit, qui solutus vivit. Quocunque cibo uti, ad omnem exercitationem expeditum esse, hominis certè est undequaque scèlicis. Huic vario & salutarivivendi generi sensim corpus assuefcit, eò magis sanum, quò minùs scrupulosæ vitæ addictum. Temperantia tamen in omnibus est servanda, cujus transgressione etiam utilissima, noxia redduntur. Sed non omnibus eadem mens, eadem fortis clementia. Sunt qui causariam à naturâ vitam fortiti, severa medicinæ decreta animo reluctante servare tenentur. Non his licet variis eduliis vesci, non alio aëre vivere, non à consuetâ somni horâ, neque ab uno exercitii modulo transversum unguem discedere. Hos quidem viuentes mortuos, non mortales viuentes diceres. Alii lymphatico metu melancholici, unam sibi vivendi normam præscripserunt. Alios traxit ad anxii laboris curas, ad durum & constitutum victûs genus, sobria paupertas; in quibus omnibus adscititius habitus fit, qui consuetudo vocatur; cujus vim atque indicationes, hi soli nôrunt, qui nolunt in multis, qui, ad Medicinam spectant, claudicare.

I I I.

CONSUETUDO quidem vim naturæ obtinet, imò altera natura est. Illa facultatum omnium innatum principium, quod obscurè noscitur, non aptè definitur. Acquisita verò natura in repetito rerum, quæ nos afficiunt, usu

versatur. Sic illæ res, quas non naturales vulgò vocant, naturales & quasi ingenitæ usu fiunt. Alimentorum qualitates labore chymico scrutari, hominis certè est abutentis & otio & tempore. Sola experientia, cùm omnium rerum medicarum, tum virium alimentorum docta magistra. Neque ad rem pertinet, quibus partibus unumquodque constet, sed quod optimè digeratur; sive hæc de causâ concoctio intercedat, sive de illâ; & sive concoctio sit, aut digestio, aut pura trituration. Non tamen hujusmodi quæstiones è Medicinâ expungendæ, quæ etsi Medicos non faciunt, iisdem sapientium ingenium ad majora veniet paratius. Cave tamen credas, omne Medici studium in his esse ponendum. Ut enim non naturalium rerum usum bene utiliterque præscribas, seriò tibi considerandæ ægrorum ætates, *ἰδιόσυνηται συμμάτων*, uniuscujusque consuetudines.

I V.

UT quod in naturâ, sic & quod in consuetudine secundâ naturâ fundatur, saluberrimum est. Salubre dices, quicquid corporis functiones in optimo conservat statu. Functiones persistant integræ facili expeditâque solidarum & fluidarum partium motione. Fibrarum corporis in hunc vel illum motum pluries répétitum, prona facultas. Dociles fiunt & obsequentes, simili exercitæ modo. Sicut canentis simulque chordas pulsantis peritæ citharædi manus non cogitatò moventur; ita muscoli, ac fibræ functionibus inservientes absque ullo labore consuetos exercent motus. Hinc senes ac imbelles faciliùs labores perferunt, quàm juvenes ac robusti, laboribus non assueri. Stomachi fibræ uno eodemque cibo semper attractæ, eodem modo micabunt; chylus uniusmodi erit, sanguis semper sui similis, atque idem stillabit fermentum, si quod fuerit in glandulis. Sanus vivis Bœotum in Patriâ & sub aëre crasso? tenuiorem purioremque quid quæris? Ipsa mutatio consuetudinis, etiam quæ utilitate adjuvat, novitate tamen perturbat.

V.

OMNE insolens sanitati infensum. Sunt, qui secundâ afflati fortunâ miserè ægrescunt, vitæ genere mutato. Qui ambulando victum quæritabant, jam in vehiculo aut

in spectaculis toto die sedentes, arthritide, rheumatismo, vel nephritide, insolentis otii pœnas luunt. Si verò propter quasdam necessitates consuetudinis ordo mutandus sit, non subito demutandus. Ergo cum quis mutare aliquid velit, paulatim debet assuescere. Id quidem non solum in sanis observandum est, sed etiam in ægrotantibus, in quibus affatim atque repente à Medico mutationes fieri, nimis periculosum. Est enim his tanto magis quædam moderatio necessaria, quanto magis noxia ipsis jam offensis nimia immutatio est. Tanta enim est consuetudinis vis atque facultas, ut consuetus labor, quamvis durior, reficiat, quem novum genus cuiusdam laboris præmit. Sic fatigato quotidianum cubile tutissimum est; insolitum contra lassat, licet mollius præter consuetudinem fuerit. Alimentorum pravitatem non solum vincit consuetudo, sed malignitatem venenorum & perniciem superat. Sic quosdam vidimus magnam opii quantitatem absque noxâ devorasse. Puellam legimus Napello sensim assuefactam, eo tandem nutritam & bene habentem..

Ergo consueta insuetis tutiora..

Proponebat Parisiis JACOBUS TRANT, Ardfertensis Hibernus, Baccalaureus Medicus, A. R. S. H. 1720.